Wee Jock Cocksparra



See me, I'm a wee Jock Cocksparra What's commonly known as a speug I'll eat anything that fortune may bring Frae an auld curly crust tae a bug.

You've seen me fly straight as an arra You've heard me high up in a tree I'm wan o a clan o a million and wan I'm a wee Jock Cocksparra, that's me.

See me, I'm a wee Jock Cocksparra I cannae sing songs tae the moon When I open ma beak ma whistle's that weak It's mair o a cheap than a tune.

If you'll let me perch on yer barra I'll clean up yer back coort for free So chuck a crumb tae help fill the tum O the wee Jock Cocksparra, that's me.

See me, I'm a wee Jock Cocksparra Ma feathers are stubby and broon Whenever I've tried for a long thermal glide Instead o gaun up I've went doon.

Ma wing span is terribly narra That's why you'll feel forced tae agree That I'm the wee chap who's aye in a flap I'm a wee Jock Cocksparra, that's me.

See me, I'm a wee Jock Cocksparra I cannae fly south for the sun When the swallows have gone I still soldier on And try tae pretend that it's fun.

Ma wee bones get chilled tae the marra So while you're sat watchin TV Please stoke up yer lum for up there's yer chum That's the wee Jock Cocksparra, that's me. Aye, the wee Jock Cocksparra, that's me.

> written by Alastair McIntosh arranged & performed by Alastair McDonald